

## 2. gr.

Gjaldið er árlegt, sem hér greinir:

<i>rotþró</i>	<i>kr.</i>
minni en 2000 l	3.120
2000 – 4000 l	3.780
4001 – 6000 l	4.450

Fyrir rotþrær stærri en 6000 l er innheimt samkvæmt reikningi kr. 2.136 á rúmmetra við losun.

Purfi að nota barka lengri en 50 m er innheimt álag við hverja losun kr. 4.288.

Purfi að fara aukaferð (tæma utan reglubundinnar yfirferðar) er innheimt 50% álag á tæmingargjald.

Gjaldið verður endurskoðað tvisvar á ári, þ.e. 1. janúar og 1. júlí og breytist í samræmi við eftirtaldar vísitölur. Gjaldið mun að hálfum hluta fylgja vísitölu byggingarkostnaðar (08 Vélavinna, akstur og uppfylling) sem birt er í „Byggingarvísitölur“, mánaðarlegu riti Hagstofu Íslands og Rannsóknarstofnunar byggingariðnaðarins. Byggingarvísitala 08, júlímánaðar árið 2002 er lögð til grundvallar og er hún 312,0 stig. Breytingar skulu að hálfum hluta fylgja launavísitölu sem birt er í „Hagtiðindum“, riti Hagstofu Íslands. Launavísitala júlímánaðar 2002 er lögð til grundvallar og er hún 226,3 stig.

Fyrsta endurskoðun gjaldsins verður 1. janúar 2003.

## 3. gr.

Gjaldskrá þessi er samin og samþykkt af sveitarstjórn Skorradalshrepps með stoð í 25. gr. laga nr. 7/1998 um hollustuhætti og mengunarvarnir og öðlast þegar gildi.

Samþykkt í sveitarstjórn Skorradalshrepps 9. október 2002.

*Grund, 15. nóvember 2002.*

**Davíð Pétursson**, oddviti Skorradalshrepps.

## REGLUGERÐ

### um greiðsluþátttöku Tryggingastofnunar ríkisins í þjálfun.

## 1. gr.

*Greiðslur vegna sjúkratryggðra einstaklinga.*

Tryggingastofnun ríkisins greiðir 75% af þjálfunarkostnaði fyrstu 15 skiptin á ári fyrir sjúkratryggð börn og unglunga yngri en 18 ára, einstaklinga með umönnunarkort, ellilífeyrisþega og örorkulífeyrisþega. Þjálfunin skal fara fram á stofu þjálfara, sem starfar samkvæmt samningi sem samninganefnd heilbrigðis- og tryggingamálaráðherra skv. 42. gr. laga um heilbrigðisþjónustu hefur gert. Ef þjálfunarskipti verða fleiri en 15 á einu ári greiðir Tryggingastofnun ríkisins þjálfunina að fullu út árið, þ.e. í 365 daga talið frá fyrsta þjálfunarskipti.

Tryggingastofnun ríkisins greiðir 50% af þjálfunarkostnaði fyrstu 24 skiptin á ári fyrir aðra sjúkratryggða einstaklinga en eftir það 75% kostnaðarins út árið, þ.e. í 365 daga talið

frá fyrsta þjálfunarskipti. Þjálfunin skal fara fram á stofu þjálfara, sem starfar samkvæmt samningi sem samninganefnd heilbrigðis- og tryggingamálaráðherra skv. 42. gr. laga um heilbrigðisþjónustu hefur gert.

Ef samið er um hærri greiðslur fyrir tilskilda hópa/meðferð greiðir Tryggingastofnun ríkisins að fullu það sem er umfram almennt meðferðargjald sjúklings.

Tilskilinn skiptafjöldi einstaklings til aukinnar hlutdeildar Tryggingastofnunar ríkisins skal staðfestur með útgáfu skírteinis (þjálfunarkorts) sem sækja þarf um til stofnunarinnar. Miðað er við samanlagðan skiptafjölda sjúkratryggðs á ári í sjúkraþjálfun, iðjuþjálfun og talþjálfun, samkvæmt samningi samninganefndar heilbrigðis- og tryggingamálaráðherra skv. 42. gr. laga um heilbrigðisþjónustu.

## 2. gr.

### *Heimasjúkraþjálfun.*

Sjúkraþjálfari sem starfar samkvæmt samningi samninganefndar heilbrigðis- og tryggingamálaráðherra skv. 42. gr. laga um heilbrigðisþjónustu þarf að sækja fyrirfram um þátttöku stofnunarinnar í kostnaði við heimasjúkraþjálfun. Tryggingastofnun ríkisins greiðir í þessum tilfellum viðbótarstyrk þannig að sjúklingur greiði sama gjald fyrir heimasjúkraþjálfun og vegna sjúkraþjálfunar á stofu, sbr. 1. gr. Tryggingayfirlækni er þó heimilt að samþykkja að stofnunin greiði að fullu heimasjúkraþjálfun ef um mjög alvarlegt sjúkdómsástand (t.d. krabbamein eða sjúkdóm Parkinsons á lokastigi) eða mjög alvarlega fötlun er að ræða.

## 3. gr.

### *Hóþjálfun.*

Hver tvö skipti í hóþjálfun hjá þjálfara sem starfar samkvæmt samningi samninganefndar heilbrigðis- og tryggingamálaráðherra skv. 42. gr. laga um heilbrigðisþjónustu teljast svára til eins skiptis í annarri sjúkraþjálfun við útgáfu þjálfunarkorts.

## 4. gr.

### *Þjálfun á göngudeildum opinberra sjúkrastofnana.*

Greiðslukvittanir þar sem fram kemur staðfesting á skiptafjölda í viðurkenndri iðjuþjálfun, sjúkraþjálfun og talþjálfun sem veitt er á göngudeildum opinberra sjúkrastofnana, þ.m.t. Heyrnar- og talmeínastöð, geta nýst til öflunar skírteinis fyrir þjálfun (þjálfunarkorts) enda séu greiðslufjárhæðir svipaðar og þegar um er að ræða sjúkraþjálfun, iðjuþjálfun og talþjálfun, sem samninganefnd heilbrigðis- og tryggingamálaráðherra skv. 42. gr. laga um heilbrigðisþjónustu hefur gert samninga um.

## 5. gr.

Reglugerð þessi, sem sett er með stoð í 3. mgr. 33. gr., sbr. b-lið 1. mgr. 33. gr., laga um almannatryggingar nr. 117/1993, með síðari breytingum, öðlast þegar gildi. Frá sama tíma falla úr gildi reglur tryggingaráðs nr. 153/2002 um greiðsluþátttöku sjúkratrygginga Tryggingastofnunar ríkisins í þjálfun.

*Heilbrigðis- og tryggingamálaráðuneytinu, 28. nóvember 2002.*

**Jón Kristjánsson.**

*Davíð Á. Gunnarsson.*